



wantok

Niuspepa bilong ol Papua Niugini stret

NESENEL

Namba 226

Bilong wik i stat long 8 Julai, 1978


Prais 10t.

SOLOMONS INDEPENDENS



PRAIM MINISTA PETER KENILOREA – STORI LONG PES 3

Published by Wantok Publications, P.O. Box 1982, Boroko. Phone: 25.2214. — Printed by Wirui Press, Wewak.
Registered at the General Post Office, Port Moresby, for transmission by post as a Qualified Publication.



Poto long lephan i soi sampela mari bilong PNG skul inap 3 mun wantaim Australian Information Service - em yet i sav wokim ol dispela poto kam long Australia. Ol skul long olgeta lo na w bilong wokim naispei poto na buk bilong givin aut tok save long kantr na skulim ol pipel long er

Kirap long lephan em Mista Stephen Pokpok b long Opis bilong Envaironmen, Mista Karo Au bilon Opis ov Infomesen, Mista Ian Kave bilong Dipatme bilong Bisnis, na Leptena Josphua Kalinoi bilong D fens Fos.

Australian Information Poto Ian Mitchell i kisim.

Poto daunbilo i soi Dokta Karl Doering, em nupela tokman bilong J. mani long PNG. Man i sav ap klostu long em, em Mista Kensy, em nau i wo long redim nupela opis b long Jemani long Moresby.

Dokta Doering i sav sindaun long Nu Silan n nau tasol em i bin kam h long soim setifiket bilon em long Sir Tore Lokole ko, olsem gavana jenera

Em i bin toktok tu wai taim Mista Ebia Olewah Minista bilong Fore Minista bilong Foren Afec na wantaim Praim Minista



wantok

National weekly in
Melanesian Pidgin.

Editorial Offices:
P.O. Box 1982
Boroko

Phone: 25.2214
25.2552
Telex: NE 22213

Branch Offices:
Wewak
Phone: 86.2479

Wabag
P.O. Box 111

Advertising:
In P.N.G.
Ms. Penny Donald
Phone: 25.2214

In Australia:
Kevin Engel
8 Duraba Pl.
Caringbah (2229)
Phone: 525.6263

Subscription Rate:
Annual: K8.00

**LAITIM ROT BILONG OL**

Solomon Ailans i kisim independens long 7 Julai. Yumi amamas, yumi hipure long ol. Ol brata na wanskin na wantok i fri nau. Ol i ken ranim tru wok bilong gavman bilong ol nau. Yumi hepi tru long ol i bikpela pinis nau, ol i lusim mama, i statim laip bilong ol yet - wankain olsem tupela yangpela marit i lusim papamama na i go wokim haus bilong tupela yet. Yumi hepi, yumi tok "gut lak" long ol.

Na yumi yet i tingting bek long independens bilong PNG long 1975. I no longtaim i go pinis. Nogat. Sotpela taim tasol. I no winim tripela yia yet. Yumi tingim bek ol promis yumi bin mekim bilong bung wok wantaim, bilong sanap long lek bilong yumi yet, bilong mekim kantri i go het.

Ating yumi tingting tu olsem wanem yumi bin laitim ol bikpela paia nabaut long ol maunten bilong kantri bilong yumi. Yumi bin laitim paia long biknait bilong makim independens bilong yumi.

Dispela paia i olsem mak tru bilong independens bilong yumi. Dispela paia i tokaut long yumi olgeta, yumi mas wokabaut long tulait. Yumi mas wok long tulait. Yumi mekim olgeta wok bilong yumi long ples klia. Yumi man/meri bilong laim. Yumi no ken wok long tudak - nogut yumi kisim pasin bilong tudak. Yumi no ken hait na mekim wanpela samting. Nogat. Yumi kamap pinis long laim.

Tude mipela ol pipel i laik tokaut long yupela ol bikman bilong palamen, yupela ol hetman bilong provins, yupela ol memba bilong kaunsil, yupela ol wokman bilong distrik opis, yupela ol tisa. Mipela i laik tok olsem long yupela: Mipela i stap long han bilong yupela. Yupela i olsem papa bilong mipela. Mipela i lukluk i go long yupela. Mipela i wetim tok bilong yupela.

Mipela i askim yupela long tingting bek gen long ol promis bilong independens. Mipela i askim yupela long mekim PNG i gutpela eksampel long ol arapela kantri i kisim independens nupela. Yumi Kristen, yumi bikbrata, yumi mas sambai helpim ol na laitim rot bilong ol.

SOLOMON AILANS KISIM INDEPENDENS

Long 7 Julai 1978 bikpela poroman bilong Papua Niugini, wanpela kantri wantok na wanskin klostu tru long mipela, bai kisim independens bilong em. Em ol Solomon Ailans. Na mama bilong ol inap nau em i Englan tasol.

Dispela kantri i kisim independens wankain olsem Papua Niugini. Em i no gat woa o pait bilong kisim independens. Ol gavman i senisim han tasol, i lusim han bilong Englan na gavana jeneral bilong en na i kamap long han bilong Prait Minista Peter Kenilorea. Duk bilong Gloucester bai makim. Kwin long dispela selebren na em bai yusim tok Pisin long toktok bilong em.

Independens long Solomon Ailans i kamap isi isi. Na i no gat tok kros long ol bikpela ausait kampani i stap mekim wok bilong ol. Nogat. Ol Solomon Ailans i laikim ol i stap na wok gut wantaim gavman. Bai kantri i winim mani olsem, na i gat wok long ol pipel. Na tu ol waitman i no pret long independens; ol i no pret bai ol lokal pipel i kirap mekim save long ol.

Tasol Minista Kenilorea i wari, long wanem, em i pret ol pipel i no save tru independens i wanem samting. Em yet i bin winim namba wan ples tru long gavman, na pati bilong em tu i winim oposisen olgeta. Long ileksen bilong 1977 em i hatwok tru long winim lida bilong oposisen, em Solomon Mamaloni. Tasol insait long palamen klostu olgeta memba i joinim na bihainim tingting bilong gavman bilong Kenilorea na i no gat oposisen tru.

MARILA I WIN

Bikpela samting i bin

givim biknem na namba long Kenilorea em dispela: em i winim bikpela presen long gavman bilong Englan. Ol i no givim olsem dinau; nogat. Ol i presen nating long \$43,000,000 (43 milion dola) inap long 4 yia long Solomon Ailans. Mista Kenilorea i tok pilai olsem: "Mipela i no gat wanpela strongpela tok long ol Englan. Nogat. Ating marila bilong mipela tasol i winim ol."

Ol Solomon Ailans i laikim tru ol bikpela kampani i kam insait na wok sapos gavman i ken kisim bikpela hap sea insait long kampani.

LO BILONG GRAUN

Wanpela bikpela wari long kantri em i lo bilong bosim graun. Konstitusen i tok, olgeta graun ol ausaitman i bin holim i mas go bek nau long gavman. Ausaitman i no ken papa bilong graun moa. Tasol em i ken rentim graun o yusim inap long sampela taim na bihain em i go bek long gavman gen.

WOK POLITIK

Wok politik long Solomon Ailans i no gat kain kain pati long en. Prait Minista Kenilorea na 10-pela minista bilong em na 20 memba bilong palamen i wokim wanpela independen grup. Ol arapela 7-pela memba bilong palamen, ol i oposisen. Oposisen pati i gat nem Nesenel Dekomokratik Pati na lida bilong en i Bartholomew Ulufa'alu. Tasol em na pati bilong em i no gat pawa olgeta. Na dispela i strongim gavman bilong Mista Kenilorea moa moa yet.

OL SITISEN

Pastaim Solomon Ailans i laik wokim tupela kain sitisen. Sitisen tru em i

man o meri i gat tupela tumbuna papamama i bin kamap long Solomon Ailans yet - olsem mipela i gat long PNG. Na ol i laik bai ol ausaitman i kamap sitisen, ol i mas olsem hapkas sitisen tasol. Englan i no laikim dispela samting.

Em i tok, ol i mas larim olgeta arapela pipel i bin stap longtaim long Solomons na long taim bilong independens i laik kamap sitisen, i mas kamap sitisen tru.

BISNIS


Bipo Solomons i winim mani long kopra tasol. Tude ol i winim long ol kain kain samting. Pis, timba, kopra, na wel pam i winim inap \$29,600,000 long yia 1977.

Wanpela kampani bilong Japan - em Solomon Taiyo i ranim wanpela bikpela tin pis faktori na gavman i insait wantaim ol long ol sea. Bihain bai gavman i kisim 75 bilong olgeta 100 sea long kampani.

Ol i gat wanpela wel pam projek i karamapim 3,300 hekta graun. Wanpela rais fam inap long 1,000 hekta i wok gut tru. Long dispela yia yet bai ol i groim inap rais bilong olgeta pipel bilong kantri bilong ol.

Na wok wel pam i go hariap moa. Long yia 1976 ol i wokim 3,549 tan; long yia 1977 em i kam inap 6,246 tan; na long 1979 ol i wetim 14,000 tan.

Wok bulmakau i go het gut moa. Tude ol i gat 25,000 bulmakau pinis na ol i ting long groim inap mit bilong ol pipel bilong ol, na tu long putim mit long tin na salim i go long ol ausait kantri.





LUKIM BATEN NA BAIM

Dia Edita - Sapos yu i no gat save tru long wanem kain trasis bilong yupela meri, orait putim ai gut na ritim.

Taim yu laik baim trau-sis, orait namba wan samting yu mas lukluk long sipa o pulsen bilong trau-sis. Sapos em i stap long lephan, orait yu pasim ai na baim. Em ol i wokim bilong meri. Sapos sipa i stap long raithan, em i no bilong yu. Yu no ken holim holim tumoas. Em i samting bilong man. Yu klia long dispela hap.

Na tu long ol siot. Sapos baten i stap long raithan em i bilong man na i stap long lephan em i bilong yu.

Maski long pasim ai na baim bilong wanem narapela poroman meri bilong yu i gat wanpela sem kain olsem.

Mi stori long yupela pinis sapos wanpela man i putim dres o mini sket na raun long maket ples bai yu tok em i wanpela long-long man okei.

Planti bilong yupela ol meri i wari moa yet long trau-sis bilong man i luk olsem. Traim na i no ken pasim ai na baim ol sumatin bilong man.

Yu husat meri i ritim dispela pas bilong mi. Yu no ken kros. Mas amamas long mi long wanem mi tok klia long wanem kain trau-sis na siot i bilong man na bilong yupela.

Mi laikim wanpela leta long ol meri husat i save putim trau-sis bilong man long tok amamas long mi helpim yupela long Wantok niuspepa. Em tasol.

George K. Gende,
Wewak.

KLINIM ARAWA

Dia Edita - Yes wari bilong mi i go olsem. Mi save go long narapela provins o taun mi save lukim ol save klinim taun na save klin moa. Tasol long Arawa taun olgeta taim long moning o apinun mi save

lukim planti man save tromoi pipia. Tasol ol kaunsil i no kisim man i save tromoi rabis long taun i no luk klin.

Mi save lukim long Lae na Goroka na sampela hap bilong provins ol kaunsil i save lukautim gut taun. Tasol long Arawa ating ol i no save kisim man long klinim na em i pulap long pipia long taun.

K. Kadi Igilave,
Arawa.

BRET MAS KLIN

Dia Edita Mi wanpela medikal skul sumatin bilong Kudjip skul ov nesing. Mi laik autim wari bilong mi i go olsem.

Mi save go raun long Mid-Wahgi eria olsem Banz, Kudjip, Nondugl, Jimi na Minj, insait long W.H.P. Na taim mi go mi save go insait long ol stua nabaut na mi bin save lukim sampela samting i no stret tru long ai bilong mi. Nating sampela man tu i olsem long mi.

Em olsem mi save lukim ol man na meri ol i save kukim plaua long stua ol i save kolim Haus Kaikai. Ol i save tanim plaua long doti han, kus na tuhat bilong ol wantaim. Taim ol i tanim plaua i stap, dispela taim tuhat na kus bilong ol tu i save pundaun long nus bilong ol. Na ol i no save yusim hankisip o narapela liklik hap klos samting bilong rausim dispela.

Na tu dispela bikpela blu lang i save stap long sampela hap hia, em tu i save sindaun antap long kaikai na em i laik givim yumi kamap sik long bel. Long wanem ol i no save kamapim nupela pawa taim ol i kukim. Hap i stap nating em kaikai bilong lang na das nabaut.

Mi pilim olsem em i no stret tru long lukluk bilong mi. Mobeta yupela husat i save wok long dispela samting mas yusim het bilong yupela liklik. Mipela i no pikinini dok o pik bilong yupela na mekim kain olsem. Kaikai yu kukim em i kaikai bilong man meri na pikinini i no bilong dok o pik.

Mi gat planti samting long tokim yupela tasol 3-pela em inap. Em hia:

(1) Yu mas wasim han pastaim.

(2) Karamapim plaua long klinpela laplap.

(3) Karim hankisip na klinim nus na tuhat.

Em tasol liklik tok save na wari bilong mi. Yu husat i save wok long dispela samting i belhat o bel kaskas long mi, orait salim wari bilong yu i go long Wantok. Bai Wantok Nius bai inap long tokim mi na bai mi ken kisim save long em. Em tasol. Tenkyu.

Leo Lare,
Neolam Parage,
Kudjip/Mt. Hagen.

Salim ol pas
i kam long:

WANTOK
BOX 1982
BOROKO

HAUSING KOMSIN MAS LUKIM

Dia Edita - Mi laikim ol bikman long Hausing Komsin bai lukim. Plis haus long Gerehu long hap bilong Papua Niugini i no gutpela tumas. Ol dispela haus olsem bokis masis tru. I no gat wanpela samting insait long haus. Nogat frisa. Nogat sia, nogat tebol, nogat bet, nogat dua long rum. Haus i emti nating tru.

Na hausing komsin save putim haus fi i go olsem K24, K30 long olgeta fotnait. Na mi peim lait em K16.00. Na wara em mi peim K7. Olgeta wantaim mi baim olsem K47, em tumas. Long pe bilong mi, mi save kisim K50 long fotnait tasol. Olgeta mani i go long haus tasol.

Mi i gat 4-pela pikinini. Mi wantaim meri bai mekim 6-pela olgeta. Na bai mi painim mani we. Tupela pikinini save go skul. Mi save i go wok. Tupela pikinini save baim bas i go i kam na mi tu mi save baim bas i go na i kam bek long wok. Bai mi kisim mani

we, plis. Yu gavman yu skelim bikpela mani bilong ol pipel. Na yu no mekim gutpela haus.

Yupela ol bikman i go long ovasis. Long Australia na Japan na Amerika. Em yupela save lukim kain haus olsem o nogat?

Plis yu tingim pipel bilong yu pastaim. Pipel i save developim kantri. I no gavman save developim kantri. Yu Michael Somare, yu mas tingim pipel pastaim. Ol pipel i stap gut na wokim gut wok bai kantri i go gut. Sapos ol pipel i longlong, plis. Mista Michael Somare no inap stap.

Plis hausing komsin yu mas daunim rent hariap long dispela yia. Mipela i no inap peim haus fi long K2400. Na K30 em yu hausing komsin yu stil tru. Yu gavman yu mas wokim wanpela lo nau. Mipela slip long Gerehu bai mipela i no inap peim haus fi. Plis ol man bilong Nesenel Palamen, yupela mas daunim prais bilong haus. Putim K5 o K6. Tenkyu.

Kinapu Relya,
Gerehu/Port Moresby.



MISIN NA WOK BISNIS

Dia Edita - Mi laik bekim pas bilong Gary bilong Pangia/Tambul/W.H.P. Em i bin rait long Wantok Nius long Sarere, 3 Jun 1978.

Gary, yu bin tok long ol misin i wok bisnis long wanem samting? Mi bin stap long Pangia na Tambul na W.H.P., mi no lukim long stesin na biktaun long Maun Hagen i no gat Catholic Mission Pty. Ltd Co, o Lutheran o S.D.A. Pty. Ltd. Co. Long Maun Hagen o Rabaul, Kavieng, Manus, Port Moresby, Lae, Madang, na Wewak, i no gat tru.

Ating yu lukim ol i wokim sampela bisnis olsem banis kau, na gaden kopi, na liklik stua long misin stesin na yu ting ol i wok

bisnis. Tarangu, mi ting dispela liklik mani ol i kisim em bilong baim haus lotu, kaikai (bilong pater, bruder, na sister, na haus sik).

Sapos yu tok long ol i no ken wokim ol dispela bisnis, orait, gary yu yet yu go wok long stesin o wokim gaden oltaim fotnait na go givim long ol misin ol i ken baim kaikai na klos o skul, na ol i ken amamas tasol.

Mi ting yu no save tru long rot ol misin i stap, na wok. Gavman em i save long ol misin i no wok mani olsem na em i sori na em i baim ol misin tisa, ret kros tu i save helpim misin tu. Na ol misin tu i save wok hat tru long painim mani long wokim Y.C. na Vokesenel na gavman i save amamas tru long misin i save helpim em.

Brata, sapos yu tok misin i wok bisnis, na yu save Pater Ross, Denney Lay, na Brian Hegani, ol i bin kam long Maun Hagen bipo tru na stua bilong Pater Ross we tru o Ross Pty Ltd Co? Mi save Deni Lei Pty Ltd na Brian Hagni Pty Ltd tasol na Pater Ross tarangu i no gat tru. Em i bin kirapim Holy Trinity Koles na em i bin dai pinis. Na nau dispela Holi Trinita Koles i givim save long ol tisa long PNG manmeri, em long mani bilong yu o misin?

Na tu long ol misin i save ritaia o pinis wok long hamas yia tru? Mi ting 60, o 80 yia ol i lapun pinis na ol i no gat strong long wok bisnis sapos ol i go i stap long ples bilong ol.

Na wanpela samting tu ating moa long 1,000 misinari i bin dai long PNG long wanem ol i lapun tru na ol i dai. Ol i no tingting long ol famili long ples bilong ol. Nogat tru. Ol i tingim wok bilong God na ol i kirapim yumi na nau yumi i independen pinis.

Sori tumas, Gary, sapos yu no klia gut yu mas i go long sampela man i save long wanem i bisnis na wanem i misin em bai tok im yu klia gut tru. En tasol.

Laundrakei Palan Pui
Mt. Hagen

NIUS BILONG OL MERI

LAIKIM WOKSAP BILONG MERI

Opis bilong Mista Pato Kakarya, em Minista bilong bosim olkain wok wantaim ol meri, i laikim tumas bai olgeta provins i putim wanpela woksap bilong skulim ol meri, olsem ol i bin wokim inap tri wik long Popondetta long Noten Provins.

Long ol dispela kain woksap ol meri i save kisim moa save long pasin bilong bungim na kukim gutpela kaikai, ong helpim wok gaden bilong ol long kirapim sampela smolpela bisnis bilong winim wan siling bilong ol stret, na pasin bilong yusim ol tul i isi tumas long wokim long oles yet.

Misis Jessie Piliwas, opisa bilong bosim ol wok wantaim ol meri long dipatmen bilong Mista Kakarya, i tok Minista bilong Fainens i bin tok orait long givim K16,000 (sikistin tausen kina) long helpim wanem 4-pela provins i redi long ranim sampela dispela kain woksap long dispela yia yet.

Morobe na Manus na Wes Nu Briten na Is Nu Briten i bin tok ol i redi nau.

Misis Piliwas i amamas tru long ol dispela kain woksap, long wanem ol i bungim ol meri bilong olgeta hap bilong provins.

SINGER



**PREN
BILONG YU
INAP OLTAIM**

© The Singer Company

Tupela meri go long kos

Tupela meri bilong PNG i stadi nau long Esia Pasifik Developmen Institut long biktaun Bangkok long kantri Thailand. Tupela bai skul inap long 6 wik long pasin bilong helpim ol meri i go insait long wok developmen long ples.

Tupela ya Mis Ume Wainetti em i wanpela opisa wantaim opis bilong viles developmen. Na Mis Louise Aitsi em i eksekutiv opisa bilong Nesenel Kaunsil bilong ol meri.

Tupela kantri wantaim i bin bung long wokim dispela kos na baim rot bilong ol deliget meri. Em kantri Iran na kantri Thailand.

Bai long mun Ogas na Septemba i gat narapela kos bilong skulim ol meri long wok developmen. Ol i bin makim wanpela meri bilong dipatmen bilong helt, na tupela bilong Nesenel Plening Opis long go long dispela kos. Na tu bai wanpela man bilong Opis bilong Hom Afeas tu i go.



SOLPIS PANKEK

Yu redim ol dispela:

Sampela solpis
Wanpela bikpela kaukau
Sampela anien
Sampela gris o bata
Sampela kumu o sayor
Wanpela kiau

Yu kukim olsem:

Boilim ol solpis inap ol i malumalu na i tan na yu inap brukim ol pis liklik liklik. Mekim olsem na putim ol dispela liklik hap solpis wantaim dispela kaukau em tu i tan pinis. Na krungutim ol dispela wantaim fok na tanim sampela gris i go wantaim. Nau yu katim ol anien liklik liklik na miksim wantaim ol kaikai ya. Nau brukim wanpela kiau na kapsaitim i go daun wantaim ol dispela samting na tanim tanim. Orait, nau yu wokim sampela pankek long ol dispela samting na praim long praipan inap ol i kamap braunpela. Orait, nau yu kapsaitim sampela kumu o sayor antap long pankek. Dispela kumu o sayor yu mas kukim long dispela wara bipo yu boilim solpis long en.

Wanpela meri Sepik, Misis Hilda Sanawe bilong Boikin i stap long Sydney na i skul long redim kaikai long ol bikpela grup pipel, long wanem em i wok long hostel bilong Woks na Saplai long Moresby. Poto i kam long Australian Information Service. Bob Maccoll i kisim.



SP GIVIM K100

Poto i soim Mista Gerry Faramus, menesa bilong SP faktori bilong wokim bia long Port Moresby, i givim sek inap long K100 (wan handet kina stret) i go long hetman bilong Komuniti Developmen Grup long Port Moresby, em Mista Semese Sea.

Dispela mani em i bilong helpim wok bilong ranim Gorobe Hausing Projek.

Mista Faramus i tok olsem: Pastaim SP i laik givim ol kain diwai na kapa na samting bilong wokim ol haus long dispela projek. Tasol nau Misis Nahau Rooney, Minista bilong bosim ol strongpela dring, i bin tok egens long SP i givim helpim long ol dispela kain wok, olsem na ol i no laik mekim bikpela samting.

Mista Sea i tok, bilong mekim dispela wok bilong em, em i mas kisim K3,000 - tri tausen kina olgeta. Inap nau grup bilong em i bin bungim K1,349 tasol. NSW Beng na Baidowes Insurens Kampani i bin givim mani, wantaim dispela mani bilong SP Bruweri. Em i tenkyu long ol.



NAU! Nupela Kodak Colorburst kala kamera.

Nau em i isi tru long kisim kala poto, insait long haus o ausait. wantaim lait i pairap. . . o lait nating bilong san. Yu holim kamera tasol. . . na Colorburst kamera bilong yu i givim yu wanpela naispela kala poto insait long sampela minit tasol. I gat spesel film i pas stret long dispela kamera, nem bilong em: Kodak PR10 Instant Print Film.

Kodak Colorburst cameras feature:

- Adjustable focus control with special 'zooming circle', focusing symbols, and distance scale
 - Electronic shutter — 1/3000 sec. to 1/20 sec. • Eyecup on viewfinder
 - Flash socket • Tripod socket
 - Automatic motor-driven print ejection
 - Red low-light signal warns you when to use flash
 - Lighten/darken print control • Exposure counter • Neckstrap and monograms • Kodak 3 year warranty.
- See your photo dealer for a free demonstration. *Suggested retail price.



New Kodak Instant Cameras and Film.

Kodak (Australasia) Pty. Ltd.

*Kodak, 'Colorburst' and 'Satinlux' are trademarks.



OL BENG BAI OP GEN LONG SARERE O NOGAT ?

Mista Henry ToRobert, gavana bilong Beng bilong PNG i bin tok pasin bilong pasim ol beng long Sarere na pulim taim bilong beng i wok long ol Fraide inap long 5 klok apinun - em i samting bilong traim inap long 3 mun.

Olsem long mun Julai ol bai tingim dispela samting gen na ol bosman bilong beng i laik painimaut tingting bilong ol pipel long dispela nupela pasin bilong pasim beng olgeta long ol Sarere. Ol i laikim o nogat.

Mista ToRobert i tok ol i bin ritim na harim planti tok egens long dispela aidia long pasim ol beng long Sarere. Tasol em i ting planti wari bilong dispela samting i stret pinis na em i no save tru ol pipel i wari nau o nogat.

Nau em i laik ol i tokaut tru, olsem wanem dispela pasin bilong pasim beng long Sarere i paulim wok bilong ol, o i givim wari long ol, o i mekim hatwok long ol. Ol i no ken tok nating. Ol i mas tok stret, dispela nupela pasin i givim wanem hevi tru long ol.

Sapos yu gat wari, ogat yu rait o ring i go long PNG Beng long Bos 121, Port Moresby.

PASSAM HAIKUL OP

Passam Haiskul - em i namba foa sinia haiskul long antri - nau i op. Em i stap antap long wanpela maunten no longwe long Wewak, arere long Sepik Haiwe.

Long yia i go pinis kampani i bin wokim dispela skul i o inap pinisim wok bilong em; em i no gat mani moa. Ia i gat sampela straik tu long ol wokman i no bin kisim e long wok bilong ol. Na ol dispela samting i bin pasim wok bilong opim skul long taim bilong en.

Olsem long dispela taim ol studen i mas kam long Passam, ol sampela i bin go long Maprik Haiskul na sampela ol Brandi Haiskul.

Mista Alkan Tololo i tok amamas long ol studen na tisa ilong Passam Haiskul long wanem ol i no les long mekn go het wok tis bilong ol, maski ol i hatwok long painin klasrum. Na em i tenkyu tu long ol bosman bilong brandi na Maprik Haiskul long helpim bilong ol.

Mista Tololo i tok, dispela Passam haiskul na olgeta evi na wari bilong em, em i wanpela gutpela eksampel ong pasin bilong hariapim sampela aidia tumas - na lanti pipel bai painim hevi. Na em i tok tu, em i ting au ol studen i ken kisim liklik aidia long sampela wari save krungutim ol man i wok long mekim kantri i go et.

Hetmasta bilong dispela haiskul em i Brata Pat Howey, inap planti yia em i hetmasta long St. Xavier's Haikul long Kairiru Ailan klostu long Wewak.

KISIM SAVE TRENING

Mista Ignas Wunum, Opisa bilong bosim Edukesen bilong ol bikipela manmeri long Wes Sepik Provins, i bin tap insait long wanpela seremoni we 19 bikipela manmeri i bin kisim setifiket bai ol i ken go long ples na statin sampela skul bilong ol.

Ol dispela kos na stadi bilong ol long tok pisin. Em i usim wanpela lain buk bilong CMML misin, em ol i kolon "Kisim Save Buk". Dispela misin CMML i bin statim dispela wok bilong em long 1967 long ples Anguganak. Bihain em i bin go long Lumi, tasol nau em i kam bek en long Anguganak.

Ol manmeri i winim bikipela namba tru long dispela os bilong 1978 em hia:

Mista Lisin Jomason bilong Bunam, Is Sepik.

Mista Kumbai Akiam bilong Bunam.

Mis Lusua Yilmai bilong Brugap, Anguganak, Wes Sepik.

Misis Suyak Wabran bilong Anguganak.

Mista Tom Nemsapia bilong Tingarapo, Grin Riva, Wes Sepik.

Kos ya i bin stat long 13 Mas na i go inap 13 Me. Na ol vantok long ples i laikim tumas bai ol dispela manmeri i kam bek skulim ol tu long rit na rait long tok Pisin.

NUPELA KAIN KAIKAI LONG KOKONAS

South Seas Food Products bilong Madang i bin kisim ok orait long Minista bilong Praimeri Industri, Mista Julius Chan, long ol liklik kaikai ol i save wokim long kokonas. Ol i kolim Kokonas Krisps. Ol i olsem smolpela hap drai i swit long kaikai na i gutpela kaikai na bai kam long liklik bek plastik.

Tisa na politik

Dipatmen bilong Edukesen i laik bai ol tisa long ol haiskul i mas skulim ol sumatin long wok politik na pasin bilong em. Gutpela gavman i hangamap long ol pipel i save gut long pasin bilong ranim gavman, na long strong bilong pipel long votim ol kendidet ol i laikim.

Wok bilong tisa em i bilong skulim ol haiskul studen long wok politik. Ol i no mas bihainim tingting bilong wanpela politikal pati tasol. Nogat. Ol i mas skul long aidia na tingting bilong olgeta pati. Na sapos i gat wanpela resis

namel long ol man bilong politik, tisa i mas soim tingting bilong tupela sait wantaim, na i no bihainim wanpela tasol.

Long planti kantri gavman na ol tisa i staim na krungutim tru tingting bilong ol sumatin na studen long kain politikal pati bilong gavman tasol. Hia ol i no mas mekim olsem.


Studen bris

Wanpela grup studen bilong Kambubu Haiskul long Is Nu Briten i bin wokim wanpela bris hangamap bilong helpim ol manmeri long brukim Warangoi Riva.

Ol studen i bin statim dispela wok long Desemba na ol i bin wok inap 5 mun long pinisim dispela bris. Em i kostim K10,000 na K5,000 i bin kam long rural impruvmen fan na sampela mani moa i bin kam long ol viles na plantasin i stap klostu long bris.

Bipo i gat tupela arapela bris i stap, em ol Nesenel Wok Atoriti i bin wokim, tasol tait i bin karim i go. Wanpela i bin sanap inap long wan wik stret; na narapela inap long tu wik.

Dispela nupela bris tait i no ken kisim, long wanem em i hangamap na i no gat lek bilong em i sanap long wara.



STADI BILONG RELISEN PUNDAUN

Stat long 1970 dipatmen bilong wokim olkain stadi na buk insait long Dipatmen bilong Edukesen i kirapim wok long sampela buk bilong tisim stori bilong olkain relisin o sios insait long ol skul. Inap long 1975 olgeta samting i bin wok gut. Ol i bin bungim sampela gutpela buk long ol saveman long ol sios. Na long Goroka Tisa Koles dispela skul bilong olkain relisin em i wanpela stadi ol sumatin i ken lainim, sapos ol i laik.

Melanesian Kaunsil bilong ol Sios i stat long 1975 long baim wok bilong Sista Marisa olsem biktisa bilong dispela stadi bilong olkain relisen long Goroka Tisa Koles. Edukesen dipatmen i orait long ol i laik traim dispela stadi o kos inap long 1977.

Long dispela taim wanpela spesel komiti i bin kibung bilong skelim dispela kos o stadi na givim tok orait long en. Ol i bin mekim sampela smolpela senis insait long program na wantaim tok orait bilong ol, ol i bin givim bek long han bilong seketeri bilong

edukesen. Mista Alkan Tololo, bai em tu i ken tok orait long dispela.

Tasol edukesen dipatmen i no laik bai dispela stadi i kam insait long program. Na olsem long 1978 dispela stadi bilong olkain relisen i bin raus long program bilong Tisa Koles. Ol i putim dispela aidia arere tasol na em i ken wet i stap. Ol i tok i no gat inap aidia bilong PNG insait long dispela kos - olsem na ol i no laik.

Tasol Melanesian Kaunsil bilong ol Sios, long nem bilong ol sios yet i tokaut olsem: Olgeta sios i orait

long dispela kos i ken go het na i ken stap insait long ol skul. I tru, em i ken senis yet. Tasol inap nau dispela kos i orait na liklik liklik na isi isi em i ken kisim moa na moa samting bilong PNG. Ol i laik bai dispela kos i go het tripela yia yet.

Dispela stadi i no bihainim wanpela sios o relisen. Nogat. Em i skelim olgeta kain bilip wantaim na i helpim ol studen long skelim gut tingting bilong olkain relisen. Olsem tasol na ol bai inap long wokim tu wanpela stadi bilong ol kain kain relisen bilong ol PNG stret.

VILLAGE EQUIPMENT SUPPLIERS

Bikstua bilong olkain masin na tul bilong wok didiman na wok kamda



MASIN BILONG KATIM KAUKAU	
I KAMAP OLSEM LIKLIK BISKET	K150.00
CINVA MASIN BILONG WOKIM BRIK	K315.00
MASIN BILONG RAUSIM SKIN-BILONG KOPI (tripela kain	8.50
MASIN BILONG KATIM BIN SMOLPELA SMOLPELA.	3.50
MASIN BILONG KATIM MIT LIKLIK LIKLIK	5.70

Ol dispela prais i bilong stua bilong mipela long Lae. Sapos yu laikim wanpela lista i gat nem bilong olgeta kain masin na tul samting mipela i gat long stua, orait, yu rait o ring i go long Menesa:

Micah Kusak,
Box 2172, Lae.
Telipon: 42.4902.

Pe bilong Palamen

Pablik Sevis Asosiesen i no laik bai ol memba bilong palamen i votim pe bilong ol i go ANTAP tumas. Tasol em i laik bai pe i go antap liklik na i skel wantaim prais bilong-ol samting tu i go antap long ol stua.

Em i min olsem: samting yu inap baim long wan kina long yia 1975, nau i kostim K1,30 o samting olsem. I olsem, sapos pe bilong yu i wankain nau olsem long yia 1975, nau yu no inap baim ol samting gut olsem bipo, long wanem prais bilong ol samting i bin go antap. Mani lusim sampela strong. Olsem na Pablik Sevis Asosiesen i ting, long dispela pasin yumi mas helpim pe bilong ol memba bilong palamen tu.

Em i min bai ol i apim pe bilong wan wan memba long K460 na long praim minista inap long K1,105.

Bai pe bilong ol i olsem: Praim Minista K13,105; Namba tu praim minista K10,375; ol Minista na Spika na Lida bilong Oposisen K9,825; ol memba nating K5,460.


SAVE LONG KONSTITUSEN

Hap namba 2 (11) bilong Konstitusen i tok olsem:

Olgeta pipel na olgeta dipatmen bilong gavman i mas rit na rait long tok Pisin o tok Motu, o tok Inglis, o tok ples. (I olsem: olgeta manmeri long kantri i mas save rit na rait.)


Aveling Barford Pacific Pty. Ltd. Representing the world's leading automotive manufacturers.

Ume St. Gordon, Port Moresby. Phone 257166, 257908
Morobe Ave. Lae. Phone 424188, Mt. Hagen. Phone 521015
Stones Automotive Services, Kieta. Phone 956093
Malaguna Motors, Rabaul. Phone 921751



NACHI

Bearings—automotive industrial machinery. Roller, ball, taper bearings.
Extra small radial ball bearings.
Single row deep-groove ball bearings.
Double-row self-aligning ball bearings.
Tapered roller-bearings.
Cylindrical roller-bearings.



RYCO-FLEX

Hydraulic hose, assemblies, couplings, adaptors.



NIUSPEPA LONG TOK PLES

Edita Pyasoo Robert i bin givim ripot bilong niuspepa bilong em long wanpela miting long Wabag long mun Jun. Nem bilong niuspepa "Enga Niusa", na em i wanpela hap bilong "Wantok Nius". "Enga Niusa" em tasol i wanpela niuspepa bilong olgeta Papua Niugini i save kamaut long tok ples. Dispela em i tok ples bilong ol Enga; na em i winim olgeta arapela long dispela kantri, long wanem 180,000 i tokim.

Wabag Lutheran Sios yet i bin statim dispela pepa na ol i gat opis bilong ol klostu long Wabag Haiskul long Wakumare. Olgeta opisa na edita tu bilong niuspepa i lokal pipel.

Ol i save prinin inap 1000 kopi bilong pepa long Wirui Pres long

Wewak na balus i bringim i go long Wapenamanda. Sampela taim em i kamaut wantaim "Wantok" niuspepa. Tasol "Wantok" i kamaut olgeta wik, na "Enga Niusa" i kamaut olgeta tupela or tripela wik. Dispela i hangamap long hamas nius ol i gat.

Enga Eria Atoriti i save givim mani long helpim wok bilong dispela niuspepa, na tu Wabag Lokal Gavman Kaunsil. Tasol bikipela mani moa i kam long Wabag Lutheran sios.

Adres bilong dispela pepa em hia: Enga Niusa, Box 111, Wabag.

HELT ASOSIESEN WOK GUT

Ol i bin pinisim bikipela kibung bilong Wol Helt Asembli long kantri Swiserlan na 150 kantri i bin salim deliget i go.

Wanpela bikipela samting long dispela miting em dispela: olgeta i wan tingting na wan bel na i no gat pait namel long ol kantri bilong graun long aidia bilong mekim wok helt i go het. Helt em i samting i no ken hangamap long politik o mani o relisen samting.

Sampela bikipela tingting bilong olgeta kantri wantaim na ol dispela deliget em hia:

(a) Wan wan kantri mas traim helpim em yet long pasin bilong bihainim ol helt lo bilong em. Em i no mas hangamap long ol arapela kantri.

(b) Long olgeta kantri ol i mas skulim ol pipel gut long ol lo bilong helt na bilong pasim rot bilong sik i no ken kamap.

(c) Wara em i bikipela samting. Wok long inapim gutpela wara long olgeta manmeri i ken dring; na tu mekim gutpela pasin bilong rausim ol pekpek na pipia samting bai em i no ken paulim ol wara. Long wanem planti sik moa i save kamap long wara i sting na i doti.

(d) Lukaut bai ol bikipela faktori i no ken tromoim marasin nogut na pipia bilong wok bilong ol i go bagarapim wara na graun na win nabaut long ol.

(e) Trenim planti helt wokman long wan wan kantri na i no ol dokta tasol. Et pos odeli em i gat gutpela na bikipela wok long ples yet long pasim sik.

(f) Skulim ol mama long givim susu bilong ol yet long ol pikinini na tambuim ol botol susu na susu paura. Na tu helpim kaikai bilong ol susu mama.

(g) Strongim moa moa yet ol lo bilong rausim malaria long ol kantri. Malaria nau i kam bek gen, na moa strong olsem bipo.

(h) Na strongpela sua tu nau i kam bek; bipo klostu

em i pinis, na nau marasin i lusim strong bilong mekim drai dispela sua. Na tu sifilis i wankain tu; em i go het moa moa yet.

(i) Wanpela sik i save pinisim planti pikinini moa long ol nupela kantri, em i sik pekpek wara. Nau i gat gutpela marasin bilong dispela. Yusim.

(j) Kirapim wanpela pasin long salim na givim nating planti marasin o daunim prais bilong em, sapos em i go long nupela kantri i gat planti kain sik na i no inap pe.

(k) Lukaut gut bai ol kaikai bilong ples olsem sayor na prut na mit i klin na i no gat binatang samting insait; long wanem em i as bilong planti kain sik tu. Lukaut gut tumas long ol kain mit.



Mista Moses Murray

NO LAIKIM MOA SEMINERI

Presiden bilong Nesenel Katolik Kaunsil, Mista Moses Murray, i bin tokaut egens long aidia bilong ol sampela katolik bisop long statim sampela moa semineri. Asbisop Copas bilong Kerema i bin autim tingting bilong em long statim wanpela liklik semineri bilong daiosis bilong em, na olsem Mista Murray i tokaut.

Mista Murray i tok: Yes, mipela i mas gat moa lokal pris. Em i tru. Tasol mipela i mas gat moa na moa pipel i no pris i ken holim wok bilong God na wok bilong lotu. Olsem mobeta ol bisop i statim wanpela spesel skul long trenim ol dispela manmeri long kisim planti kain wok moa insait long wok na lotu na gavman bilong sios. Na em i no min: wok bilong bosim olkain samting tasol. Nogat. Em i min wok bilong autim tok bilong God, wok bilong save gut long Baibel.

Mista Murray i ting. Katolik Sios i mas gat moa na moa man na meri nating i gat gutpela save long ol samting bilong tok bilong God, na lo bilong sios, na mining bilong Baibel. Em i ting em i no wok bilong ol saveman tasol long bringim sampela aidia bilong Papua Niugini na ol pipel bilong em i kam insait long sios. Nogat. Em i samting bilong ol pipel nating.

Na i gat planti man bipo

ol i stap long semineri na katolik sios i no yusim gut ol dispela man i gat save pinis. Mista Murray yet em i wanpela dispela kain man. Em i wari, nogut ol dispela spesel save i lus nating.

Rabaul gat inap graun

Mista Victor Gabi, Distrik Opisa bilong bosim ol Graun long Rabaul i tok ol Tolai i gat planti pipel tasol i no tru ol i sot long graun.

Em i tok long Gazelle i gat 20,405 hekta graun tude i bilong ol pipel yet na dispela graun i slip i stap nating.

Poto long raithan i soim Mista Austin Sapias na meri bilong em Nerrie Sapias i sanap wantaim man bilong makim Filipin Ailan long Australia, em Mista Peter Enriquez na Misis Etta C. Enriquez. Ol i gat pati bilong makim 80 yia independens bilong Filipin Ailan. Mista Sapias i makim PNG long Sydney.

Australian Information poto. John Tanner i kisim.





Poto antap i soim pasin bilong wokim saksak long wara Sepik. Ol i save katim tri saksak long bus o tais samting, rausim ol lip bilong em na han, na stil bilong em ol i save pulim i kam long ples. Hia em i slip long wara i stap inap long taim ol pipel i sot long saksak; orait, long dispela taim bai ol i wokim saksak bilong ol.

Nem bilong mi Kambira Yapang. Ples bilong mi Gavieng, klostu long taun Angoram long Is Sepik Provins. Stori bilong mi i olsem.

Inap long yia 1970 mi stap long Kambaramba Viles long wara Sepik. Tasol mi wantaim ol lain bilong mi, mipela i no sindaun gut. Olgeta yia Sepik i mekim save long mipela ol man bilong ples. Sepik i save tait na bagarapim ol gaden na pik bilong mipela. Mipela i hangre nabaut. Ol pikinini i kisim planti kain kain sik.

Mi wari i stap. Mi tingting olsem. "Lo bilong Sepik i olsem tasol". Mi no inap mekim wanpela samting bilong stretim sindaun bilong famili bilong mi. Mi wari tru.

Tasol long yia 1970 mi harim stori bilong wanpela nupela bisnis, gavman i kirapim pinis long Gavieng, klostu long Angoram. Orait, mi go long Gavieng na harim gut stori bilong ol. Ol i tokim mi olsem: "Sapos wanpela man i laik wokim bisnis, i ken go long opis na wokim pepa. Dispela pepa bai i go long gavman. Sapos ol i orait, bai yu ken kisim hap graun insait long Gavieng na wokim bisnis bilong yu. Tasol, yu no ken kam nating. Yu mas i gat laik tru long kirapim bisnis." Mi harim dispela tok na mi wokim pepa.

Ol i orait long mi kam. Mi go bek long ples. Mi

kisim meri pikinini bilong mi na mi lusim ples Kambaramba na go long Gavieng.

Long Gavieng gavman i makim wanpela hap graun long mi bilong wokim haus na bisnis. Na tu mi kisim dinau inap long K600 bilong kirapim bisnis. Mi go long didiman na baim sampela kru bilong diwai raba, kokonas, kopi na kakao. Ol sampela wantok i kam na mipela i kirapim haus bilong mi. Bihain mipela i wok long kliaim bus na planim ol diwai.

Tude mi gat gutpela bisnis tru. Mi gat planti kopo, kakao, raba, na kokonas. Ol famili bilong mi i sindaun gut. Ol i kaikai gut. Mipela wok wantaim. Bisnis i go het. Mi wokim 3-pela haus moa bilong ol wantok bilong mi. Nogut ol i kam helpim mi long bisnis na ol i no gat haus.

Mi amamas tru long sindaun bilong mi hia long Gavieng. Mi laki tru gavman i givim han long mi na helpim mi long kirapim gutpela wok bisnis. Mi pilim ol dispela wok bilong mi i helpim tru kantri bilong yumi long go het.

Em tasol stori bilong mi. Na yumi stori long wok bilong Gavieng.

Stori bilong Gavieng i olsem. Long 1968 gavman i tingting long painim we long helpim ol dispela man, wara Sepik i save bagarapim ol long olgeta

TULTUL TITAN

DISPELA TOKSAVE IGO LONG OL MAN BILONG WOKIM ROT NA OL PORO KAMDA. MIPELA LONG ARC-TITAN IGAT GABION NET BILONG BRIS NA KAINKAIN SAIS NIL BILONG KAMDA LONG WOKIM HAUS, SIA, KABOT NA PLANTI OL SAMPELA SAMTING.

SITMI, NIL BILONG MI I PINIS YA!

ARC-TITAN Pty. Ltd. P.O. Box 1026, LAE. Tel. 42.3988.

ya. Sampela wokman bilong gavman i tingting long kirapim wanpela bikpela wok bisnis long Gavieng, klostu long Angoram. Ol i ting dispela ples i gutpela long wokim bisnis long raba, kopi, kakao na kokonas. Sapos planti man i kam wok, bai ol inap painim gutpela sindaun na helpim kantri long go het.

Olsem na gavman i makim wanpela bikpela hap graun, samting olsem 2,000 hekta, long mekim dispela wok. Ol i makim K2 milion bilong mekim dispela wok i go het. Bi-hain ol i katim graun olsem long ol bisnismen. Sapos wanpela man wantaim famili bilong em i kam, bai gavman i givim em 15 hekta graun na K750 dinau mani long kirapim bisnis bilong em. Sapos tupela famili i bung wantaim long wok, bai ol inap kisim 20 hekta na K1200 dinau mani. Sapos moa long tupela famili i laik wok wantaim, ol i inap long kisim moa long 20 hekta na moa long K1200.

Dispela dinau mani i no bilong baim kaikai o helpim ol brata. Nogat tru. Mani hia i mas wok long helpim yu kirapim bisnis bilong yu. Mani i mas go long baim olkain kru diwai long wokim bisnis long raba, kopi, kokonas o kakao. Insait long Gavieng i gat stesin bilong ol didiman, (Pramerit Industri), na hia ol kain kain diwai i redi bilong baim na wokim bisnis bilong yu. Tasol didiman i wari tru long kaikai bilong ol man i kirapim bisnis. Olsem ol i mas gat sampela kaukau, taro, banana, sayor na ol kain kain prut. Ol bisnismen i ken kam baim bilong wokim gaden bilong ol.

Bikpela wok tru long Gavieng em i wok long raba. Ol i save wok long ol plenti kain kain diwai raba. Gavman i pilim ol dispela wok long raba inap gohet tru long Gavieng.


Nating yumi olgeta man i ritim dispela stori i amamas tru long ol gutpela wok DPI na Kambira i

mekim. Sapos yu save long sampela arapela gutpela stori olsem, orait yu mas rait i kam long Wantok. Yu ken salim stori wantaim poto i kam long mipela na mipela i ken autim stori bilong yu i go long olgeta arapela brata i stap insait long PNG.

Poto long raithan i soim Mista Kambira Yapang, em man i wokim dispela stori bilong famili bilong em. Hia ol i sindaun long lata bilong haus bilong em long Gavieng. Ol i luk hepi tru.

Na daunbilo em i nara-pela potô bilong haus bilong em. Pasin bilong ol haus long Sepik, ol i save sanap antap long longpela pos liklik, nogut tait i kam insait long haus.

Poto bilong Opis ov Infomesen.




Man, wasket bilong yu
i wel tru, ya

Tru tumas. Em dispela
kaparesa Gillette i bin
mekim olsem



GILLETTE BLUE BLADE



I no gat wanpela kaparesa inap long winim dispela i gat nem Gillette Blue Blade.

Yu ken sev planti planti taim moa long en. Na em i rausim mausgras i go olgeta, na wasket bilong yu i lait moa. Em nau. Yu go baim sampela long stua. Yu traim.

DISPELA KAPARESA I GO, I GO I GOOOOOOOO NA I NO LUSIM SAP BILONG EM KWIKTAIM. I OL SEM TASOL.

**SHAVE AFTER SHAVE
AFTER SHAVE**

**YU KEN LUKIM
LONG MORESBY**

**FRI MUVI
OLGETA SANDE**



Stat long mun Julai, long olgeta Sande apinun long 2 klok inap long 4 klok bai ol i soim fri muvi long Nesenel Museum long Waigani. Ol i gat wanpela liklik haus piksa na olgeta man meri pikinini i welkam. Lukim yu.



AUSTRALIAN HIGH COMMISSION

TOK SAVE LONG OL SOLDIA I PAIT LONG WOA

Minista bilong ol Foren Afeas bilong Australia, em Mista R.V. Garland, i stap nau long Papua Niugini na i raun na i laik bungim na toktok wantaim ol man bilong PNG bipo ol i bin pait wantaim ol Australia egens long ol Japan.

Mista Garland i laik kisim eplikesen bilong ol man i ting ol i bin kisim sampela bagarap o sampela sik long dispela taim ol i bin pait long woa, bai ol i ken kisim pe bilong dispela samting.

Na tu em i laik toktok wantaim ol man i kisim pe nau long ol dispela samting, tasol i gat sampela wari yet long en.

Em hia program bilong em long raun long PNG.

Port Moresby (Australian Hai Komisin, Waigani).

Long 3 Julai, 4 Julai (apinun tasol), 26 Julai, na 27 Julai (apinun tasol). Sapos yu stap long Moresby na yu laik toktok wantaim em, ring long Misis Goodwin, long namba 25.9333, ekstensen 331, na tok save long em.

Long ol arapela taun, yu mas tok save long Edministretiv Seketeri bilong provins bilong yu. Em hia ol de na ples bilong kamap bilong Mista Garland:-

Daru 5 Julai
Kerema 6 Julai
Tapini 7 Julai
Lae 10 Julai
Madang 11 Julai
Manus 12 Julai
Kavieng 13 Julai (apinun tasol)

Rabaul 14 Julai
Kimbe 17, 18 Julai
Goroka 19 Julai (apinun tasol)
Wewak 20 Julai
Bulolo 21 Julai (apinun tasol)
Alotau 24 Julai
Popondetta 25 Julai (apinun tasol)

Coleman lait em i san bilong nait



Coleman

Coleman kerosin lamp em i nambawan tru long givim gutpela lait long yu.
Sapos yu laik baim niupela kerosin lamp askim ol long Coleman tasol.

Distributed by
Breckwoldt & Co. (PNG) Pty Ltd

GSB17

STORI TUMBUNA PASIN BILONG BIPO

Bipo bipo tru, tupela manmeri i bin stap long wanpela ples. Dispela taim tupela i no gat kaikai long dispela ples tupela i stap long en. Olsem na long wanpela de man i askim meri bilong em, olsem; "Inap mitupela katim wanpela saksak, o nogat?"

Meri i tok, "Gutpela. Mitupela katim wanpela draipela saksak bilong mitupela. Nogut bihain mitupela painim hangre".

Long dispela tupela i pasim tok pinis, na long moning long narapela de, tupela i go wantaim bilong katim saksak pinis, na tupela i rausim bun bilong saksak, na man bilong em i paitim saksak i stap long akis tumbuna.

Long dispela hap, antap tru long maunten. Tupela i no gat klos bilong waitman. Tupela i putim ol bilas bilong tumbuna, olsem. Man bilong em i putim raunpela skin kambang, na tupela bol, hangamap nating, na long baksait em i hangamapim blakpela olpela bilum. Na long tupela han em i supim tupela paspas, na long nus em i supim tupela tit bilong pik. Tupela tit i krungut, na longpela tru.

Long dispela taim, em i bilas kranki nogut tru, na em i paitim saksak i stap. Na meri bilong em tu em i blas nogut tru, em i pasim purpur long baksait, na long fran. Na em i supim gras kumul long het bilong em, na man tu em i mekim olsem.

Meri bilong em i redim pinis ol samting bilong wasim saksak. Em i planim sampela liklik diwai klostu long wanpela raunwara. Bihain em i pinisim wok pinis, nau em i go karim pangal bilong saksak, na em i putim antap long stik diwai em i planim long en.

San i kam antap klostu belo, em i go lukim man bilong em long as bilong saksak. Man bilong em i pulapim tupela limbum saksak pinis, nau na meri bilong em i karim wanpela

limbum saksak, na aninit long bek bilong wasim saksak em i putim wanpela longpela limbum.

Long tri klok samting man i lusim wok, na em i go long haus, na em i pasim smok pinis na em i kisim banara, na spia, nau em i go painim abus. Meri bilong em i wasim saksak pinis na em i go long haus, na em i brukim sanpela paiawut i stap. Long apinun tru olsem faiv klok samting man bilong em i karim wanpela waitpela kapul i kam.

Tupela i katim kapul pinis, na tupela mumuim em. Long dispela taim tupela i kukim saksak nating long paia, na tupela kaikai wantaim kapul. Long moning tru man i go painim pisin long bus. Em i painim i go i go, nogat tru, em i no sutim wanpela piisin. Nau em i kam bek long haus, tasol klostu long arere long haus em i sutim wanpela pisin ol i kolim welpaul. Em i karim dispela pisin i kam long haus.

Meri em i go bilong wasim wanpela limbum saksak i stap. Man ya i kukim pisin pinis, na em i kaikai olgeta. Em i no putim hap bilong meri, nogat tru. Em i putim gras bilong pisin tasol. Em yet i go paitim saksak i stap. Meri bilong em i kam long haus, tasol em i lukim gras pisin ya. Man, man em i pulap i stap. Nau em i tingting planti i stap. Bihain em i kirap na sekim olgeta het pinis, nau em i go bek long ples em i wasim saksak long en.

Long dispela taim tasol meri i kilim wanpela ret-pela snek bilong graun. Em i kukim dispela snek i stap, na wantu draipela tais i karamapim em. Em i trip namel long wara tasol, na em i dai olgeta.

Long dispela taim man bilong em i ranawe i go long bikbus.

Dispela tais tude em i stap yet. Nem bilong dispela tais, long tok ples mi-



pela i save kolim olsem. Dawia plomb. Mining olsem dispela tais, i bin kisim wanpela meri pinis. Tude sampela waitpela waitman ol i save i go lukim dispela tais. Dispela tais i stap long hap bilong Imonda. Nem bilong tupela man, na meri. Nem bilong man, em Maiva. Nem bilong meri, em Sawa. Em tasol stori tumbuna bilong mi.

Daniel Mai, Erave.S.H.P.

HELT I MOBETA NAU LONG MORESBY SKUL

Mista Alkan Tololo, seketeri bilong edukesen, i amamas long lukim dispela sik hangre i save bagarapim planti skulmanki long hap bilong Port Moresby nau i slek liklik.

Ol tisa i bin skul gut tru long dispela samting na tu nau ol papamama tu i save moa long en na olsem ol skulmanki i save kisim moa kaikai na gutpela kaikai. Na ol papamama i no westim mani long ol rabis kaikai olsem sispop na loliwara samting.

Ol skul kentin tu i salim gutpela kaikai nau na ol tisa tu i hepi long wanem nau ol manki i gat strong long stadi gut tru.

BAIM WANTOK

Sapos yu laik kisim Wantok niuspepa inap long wan yia (em i olsem 48 taims), yu katim dispela tiket long sisis na yu salim i kam long mipela wantaim K8.00.

Nem bilong yu.

Adres bilong yu.

Salim sek o mani oda inap long K8 wantaim tiket i kam long :

WANTOK BOX 1982 BOROKO

Sapos yu bilong wanpela skul o misin o klap o grup na yu laik kisim moa olsem 10-pela Wantok olgeta wik, orait, yu rait i kam long mipela na mipela i gat spesel prais long dispela kain samting.

Prais bilong go long Australia: K14.50 na long Amerika na Yurop long sip em i K18.20 na long balus em i K24.00.



SAPOS SKIN I KUK

Yu ken kukim skin long paia yet, long hatpela wara, long hatpela ston o hap ain.
Sapos klos i paia, karamapim o tantanim man/meri long blanket i

NAMBA WAN SAMTING: SAPOS SKIN I KUK, MEKIM KOL LONG WARA.
Kapsaitim kolwara long en inap ten minit samting.

Sapos skin i kuk:

- i tambu long brukim buk i gat wara insait. Larim i stap.
- i tambu long putim marasin o gris samting long sua.
- i tambu long rausim hap laplap i kuk pinis.
- tekewe hanwas long han, o su long lek i kuk pinis.



Katim dispela lesen na holim i stap. Bihain yu ken wokim buk long en. Planti mos bai kamap.



Strong Tru.

HUSKY DYNA

**Niupela trak bilong Toyota i save wok hat tru.
Yu laik karim kago o pasindia – long biktaun
o rot nogut long bus – dispela trak em inap.**

TOYOTA

BRANCHES
AT:

PORT MORESBY
25 4088

LAE
42 2322

MT. HAGEN
52 1888

ELA MOTORS LIMITED

MADANG
82 2188

RABAU
92 1988

KIETA
95 6083

WEWAK
86 2255

GSP ET 013P

IRIAN JAYA MAN LAIK HELPIM HUSAT?

Dia Edita - Inap givim mi spes mi laik putim wari bilong mi insait long Wantok nius. PNG. em wanpela bikipela graun. Em i luk olsem wanpela bikipela pisin. Husat i stap long het bilong dispela bikipela pisin? Em brata bilong yumi Wes Papua o bipo ol i kolim Wes Niugini. Husat i stap namel na tel bilong dispela gutpela pisin bilong yumi? Em Papua Niugini pipel nau i stap long em.

Ol bratas bilong yumi Wes Papua i bin kirapim wanpela strongpela haus na sanapim klostu em laik pinisim wok na sindaun gut long dispela haus, tasol wanpela bikipela win kisim em na haus i pundaun. Em mi min olsem ol i kirapim gavman bilong ol. Win em i kam insait brukim politikal rait bilong ol Wes Papua em Indonesia.

Kwesten 1, sapos yu husat man wokim wanpela samting long sindaun bilong yu na wanpela man nogut i kam na bagarapim sindaun bilong yu. Yu i gat bel hat na kros? Yes, brata, yu ken bel hat na kros na pait long dispela man husat i bagarapim sindaun bilong yu.

Wes Papua em i gat as tingting long dispela olsem na ol pait long politikal rait bilong Wes Papua. Wanem kain helpim PNG Gavman i wokim namel long Wes Papua na Indonesia. Mi no ting PNG gavman i putim ol long kalabus taim ol i brukim boda mak na kam insait long hap bilong PNG. Planti pipel bilong Wes Papua bin kam insait long PNG na sampela long ol i kisim gutpela wok long PNG gavman na sampela i wok nambaut insait long PNG. Em olsem ol helpim ekonomik developmen bilong PNG Gavman. Olsem yumi mas givim rispek long ol.

PNG gavman ken givim

hap graun bilong wokim kem bilong holim ol na kolim ol Indonesia ofisa kam na kisim ol i go bek. Dispela em mas i gat kaikai na medikal saplai. Tu i mas gat plis memba. Em wanpela we long helpim ol Wes Papua fridom paitman. Taim PNG difens fos soldia i painim ol long boda mak bilong PNG na bringim ol long ol plis ofisa husat i bos long dispela kem.

D.M. Lignut,
Wewak.



HANGAMAPIM MAN

Dia Edita - Mi laik bekim pas bilong Anton Notak bilong Maun Hagen long Wantok Niuspepa long Sarere, 10 Jun 1978. Yu bin tok long pas bilong yu olsem sapos wanpela man i kilim man i dai, orait gavman i mas hangamapim dispela man na sutim em na em tu i mas dai.

Yes, brata Anton Notak, nating yu longlong o olsem wanem? Long pas bilong yu, mi laik askim yu sampela kwesten. Namba wan (1) kwesten i olsem: Yu laik gavman i hangamapim ol man i dai a? Namba tu (2) kwesten, sapos papa o brata bilong yu i kilim wanpela man na gavman i laik hangamapim na sutim ol bai yu amamas long ol i hangamapim na sutim papa o brata bilong yu? Namba tri (3) kwesten Buk Baibel i tok wanem long yu? Em i tok man i mekim nogut long yu, yu mas bekim a?

O yes brata Anton Notak, nating yu longlong o drink spak na yu raitim dispela pas a? Mi tokim yu stret sapos gavman i laik hangamapim na sutim papa o brata bilong yu, mi tokim yu, yu no ston bai yu no inap slip. Yu no inap kaikai, yu no inap sindaun gut yu bai wari moa moa yet na krai. Na bihain bai yu tokim gavman mas baim bodi bilong

em. Olsem na yu no ken strong long hangamapim man. Em nau bai yu painim ples long toktok.

Na mi tokim yu sapos yu toktok strong long gavman i hangamapim man, orait gavman i hangamapim wanpela man long lain bilong mi. Sori, brata ating mi bai kam na yu bai kilim mi tu. Sapos yu no laik long kilim mi bai mi kilim yu tu. Yu no ston na bai yu strong i stap. Yu ting yu mekim gutpela lo na yu bai go we.

Mi wanpela meri Hagen mi stap long Wewak na mi bekim pas bilong yu. Sapos yu ting yu man tru, yu gat moa wari yet, raitim i go long Wantok Niuspepa. Na mi bai lukim na tokim yu gen, nating yu longlong.

Cathy David,
Wewak.

OL I NO GIVIM OL LAIK KISIM

Dia Edita - Mi wanpela skul tisa bilong Okapa. Mi laik autim wanpela hevi bilong pipel na mi yet, long ol kendidet i sanap wan wan bilong ol yet o yumi kolim ol independen kendidet.

Ol memba bilong palamen ol i sanap long laik bilong ol pipel. Long stretim wari na sindaun long laik bilong ol pipel tasol.

Dispela yia long 1977 ileksen, ol memba bilong politikal pati ol i kisim sia nau long Haus. Sampela ol i no tokaut klia long politikal pati bilong ol. Ol i sanap olsem independen kendidet. Na bihain long

ileksen, taim ol i winim sia pinis. Ol i kirap i go joinim wanpela politikal pati i gat planti man long kamapim gavman.

Na dispela em i no stret long laik bilong ol pipel. Long wanem ol i joinim ol politikal pati ol pipel i no laikim long en. Na ol i bel hevi long dispela.

Dispela em i soim olsem ol dispela lain man i hangre long kisim bikipela wok olsem minista bilong helpim ol yet. Ol i no tingting tumas long wanem samting ol bai mekim long kirapim kantri i go het na sindaun bilong ol pipel i kamap gut. Tasol ol i tingting long wanem samting ol bai kisim long kantri bilong yumi PNG.

Richard Golyal Sine,
Okapa/Goroka.



PABLIK TOK SAVE

SPESEL KOMITI BILONG GLASIM WAITMAN LONG BISNIS

Planti lokal pipel i wari long sampela waitman na nupela sitisen i mekim kain kain pasin long wok bisnis. Long sampela smolpela bisnis o tretstua na long pablik kampani na koporesen, ol i save putim nem bilong lokal meri bilong ol olsem hosman. Sampela taim ol dispela bisnis i yusim lokal meri o lokal man olsem trik tasol. Olsem na palamen i bin makim wanpela spesel komiti bilong glasim gut na bungim tok save long ol dispela kain bisnis. Mista Toni Bais em i siaman bilong komiti.

Komiti ya i laik bai ol pipel na grup na asosiesen i ripot long em long ol kampani o bisnis i save mekim kain pasin olsem.

Long ripot ol i mas tok save long ol dispela samting: nem bilong bisnis; kain wok em i mekim; adres bilong em; hamas man i holim sea long dispela bisnis; ol man i holim sea i bilong wanem kantri; bisnis i gat hamas mani. Ol i mas tok tu: wanem samting i luk kranki long dispela bisnis o kampani.

Komiti tasol bai lukim dispela ripot yu salim i kam; ol bai haitim long ai bilong ol man nating. Tasol yu mas hariap long mekim ripot na salim i kam bipo long mun Julai yet, long wanem komiti i mas kibung na redim ripot i go long palamen long mun Desemba.

Bai dispela komiti i gat pablik miting long wan wan provins, na em bai autim de na ples insait long ol niuspepa na radio.

Salim ripot bilong yu i go long:

The Chairman
Select Committee on Expatriate Involvement in Business
National Parliament
P.O. Box 596
Port Moresby


Elisabeth Makarai

Elisabeth Makarai
Secretary to the Committee

OL TESTAMEN STORI

Taim Bilong Hangre I Kamap Long Isrel

Rut 1:1-5



BUK BILONG RUT I STAT OLSEM:
TAIM BILONG HANGRE I KAMAP
LONG ISREL. NA DISPELA SAMTING
I KAMAP LONG BETLEHEM.



MASKI KRAI.
TUDE BAI YUMI
KISIM SAMPELA
KAIKAI.

MIPELA MAS KISIM KAIKAI.
ASDE INAP NAU MIPELA I
NO BIN KAIKAI. NOGAT TRU.
MIPELA KEN BAIM
WANEM KAIKAI?

SORI TUMAS.
OLGETA KAIKAI I
PINIS. NABAI MI KISIM
SAMPELA WE, EM MI NO
SAVE.


NAU BAI
MI MEKIM
WANEM? OL
PIKININI
BAI I DAI!

YU GAT. STRONG YET. YU
MAS I GO LONG NARAPELA HAP
OL I GAT KAIKAI LONG
NARAPELA KANTRI.



OL TESTAMEN STORI

OLSEM NA SAMPELA FAMILI I KISIM OL SAMTING NA I WOKABAUT I GO LONG NARAPELA HAP. OI I LAIK PAINIM KAIKAI LONG ROT PASTAIM INAP OL I GO KAMAP LONG KANTRI I GAT PLANTI KAIKAI.



ELIMELEK NA NEOMI NA TUPELA PIKININI MAN BILONG TUPELA, EM MALON NA KILION, OLGETA I GO WANTAIM OL MANMERTI NA LUSIM BETLEHEM.

YUMI BRUKIM WARA JODAN LONG DISPELA PLES NA YUMI KEN I GO LONG MOAP. OL MAN NABAUT I TOK MOAP I GAT PLANTI KAIKAI.

BILONG WANEM YUMI MAS I GO LONG MOAP? OL I NO SAVE LONG GOD BILONG YUMI.



LONG KANTRI MOAP ELIMELEK WANTAIM TUPELA PIKININI I KISIM WOK LONG GADEN WIT BILONG OL MOAP.

GOD, MIPELA TENKYU LONG DISPELA KAIKAI.



PLANTI YIA I GO PINIS NA ELIMELEK WANTAIM OL FAMILI I KISIM PLANTI SAMTING. TASOL WANPELA DE WANTU ELIMELEK I DAI.

NEOMI I BELHEVI TRU.

MAMA, HARIM. TAIM MITUPELA I STAP, BAI YU NO INAP SOT LONG WANPELA SAMTING.


YUTUPELA I GUTPELA PIKININI. MI TENKYU TRU LONG GOD.



Used by permission of the David C. Cook Foundation. Copyright 1973, David C. Cook Publishing Co. All rights reserved.

OL TESTAMEN STORI

NEOMI I LUKIM TUPELA I LAIKIM MERI MOAP NA EM I
PRET BAI TUPELA I LAIK MARITIM MERI MOAP.



RUT EM I GUTPELA MERI.
TASOL EM I BILONG NARAPELA
LAIN. TUPELA PIKININI BILONG
MI I MAS MARITIM WANTOK
TASOL.

TASOL NEOMI I NO INAP PASIM LAIK
BILONG TUPELA. TUPELA I LAIKIM
MERI MOAP NA I GO TOKIM MAMA OLSEM.

ORAIT TUPELA I MARITIM MERI MOAP NA
TUPELA MERI I KAM I STAP WANTAIM NEOMI.
BIHAIN BIKPELA SIK I KAMAP LONG PLES NA
MALON WANTAIM KILION I KISIM BIKPELA SIK.



MAMA, RUT I
LAIK MARITIM
MI!

GOD BAI
I BLESIM
YUTUPELA NA
GIVIM GUTPELA
SINDAUN LONG
YUTUPELA.

OLAMAN! WATPO
TUPELA I NO
LAIK MARITIM
MERI I SAVE
BILIP LONG
GOD TRU?



SIK I
BIKPELA
TUMAS.

SAPOS TUPELA
I DAI, BAI MI
BAGARAP TRU.
BAI MI I DAI.

LONG MONING
MALON WANTAIM
KILION I DAI
PINIS.